

کربلا قیامی بوتون ظالم ستیزلرین دقت مرکزینده

امام حسین (ع) قیامی نین سبیلرینی تحقیق ائله‌ماق زمینه‌سینده چوخلو تحقیقلر اولوب و یئنه‌ده آرتیق تحقیقه یئر وار.



امام حسین (ع) قیامی نین سبیلرینی تحقیق ائله‌ماق زمینه‌سینده چوخلو تحقیقلر اولوب و یئنه‌ده آرتیق تحقیقه یئر وار. بو قیاما اساس ساییلان سبیلردن، ظلم و ستمین قاباغیندا دایانماق و اونون دالیسینجا انسانی آزادلیق و عزت ایدی. امام حسین (ع) قیامین اولیندن شهادته‌جن یئر به یئر بو مسأله‌لره تأکید بویورودولار. امامین نظرینه گوره ظالم حاکمین سلطه‌سیندن قورتولماق فقط سیاسی-اجتماعی حرکت دئییل بلکه اصیل انسانی خصلته قایتماغا حرکتدیر. بونا گوره فقط ظلمدن آزاد اولان جامعه‌ده انسان عزتی و کرامتینه شاهد اول بیلروق.

امام حسینین (ع) ائله بو پیامیدی کی زمان و جغرافی مرزلی اشدی و بوتون ظالم ستیزلره بیر نمونه و الگو کیمی ساییلدی.

عاشورا قیامی خاص زماندا و مکاندا محدود قالمادی. بو قیام چوخلو قیاملارین انگیزه‌سی و قایناعی اولدو. بو قیاملارین بیرینجیسی نوابلار قیامی ایدی کی داها چوخ وجدان عذابینی جبران ائله‌ماغا و حسّاتا دایانان بیر قیام ایدی و بیریده مختار قیامی ایدی کی قدرت دنگه‌سینه داخل اولماغا فرصتدن دوزگون استفاده ائله‌ماغیدی. اما تاریخ بویو مختلف یئرلرده اولان بو قیاملاری بیر-بیری نین یانینا قویاندا اولارین بعضی خصوصیتلرینی چوخ اوخشار گوروروق. آیری سؤزله کربلا قیامی نین بعضی تعلیماتی داها آرتیق دقت مرکزینده اولوب داها آرتیق درک اولوب. بو تعلیماتدان بونلاری آد آپارماق اولار: ظلمی قبول ائله‌مه‌ماق، مظلوما کؤمک ائله‌ماق، ظالم و فاسد حکومتلرین علییه‌نه قیام ائله‌ماق، امر به معروف و نهی از منکر، متعالی هدف یولوندا جانفشانلیق ائله‌ماق، اولومو دلتلی یاشاییشا ترجیح وئرماق و . . .

امام حسین(ع)، عاشورا نهضتی نین یئر به یئرینده بو تعلیملری یئرلشدیریب، اولار کی حرکت آنیندان شهادته قدر دیری ساخلاییب. هم اوردا کی مدینه حاکمی نین بیعت ایسته‌مه‌سی جوابیندا بویورور بو بیعت اسلام تابوتونا تأیید مؤهرو وورماق معناسیندادر، هم اوردا کی قارداشی محمد حنفیه‌یه قیامین هدفینی پیغمبر امتی نین اصلاحی و اونون ستّینه قایتماغی ساییر، و هم اوردا کی عاشورا جنگی نین توفه-توفونده مقابل قوشونا خطبه اوخویور و حجتی تمام ائلیر.

حرکتلرین و قیاملارین چوخو دا ائله بو پیاملارینان اؤز نیرولارین بسیج اندیب قیاملارینی سهمانا سالیلار.

لینک مطلب در سایت : <http://torki.tebyan-tabriz.ir/?MID=21&Type=News&id=723>